

In *Copenhagen* were *Born* 2604, *Buried* 1914, *Married* 701 Pair. Therefore 690 more Born than Buried.

In *Amsterdam* there *Died* 7119, and were *Married* 2289 Pair.

In *Epperies*, *Born* 203, *Died* 132.

In *Dantzic*, *Born* 2002, *Buried* 1495, and *Married* 537 Pair.

I have but just got the *Acta Breslaviensia*, or else would have sooner sent this.

Adieu, &c.

XI. *Ingens Materiae Purulentæ copia cariem & separationem totius Offis Mali, &c. inducens, & per triennium ex Ore Pueri defluens, observata à Domino Petro Hardisway, M. D.*

DI E *Sexto Mensis Febr. 1724.* advocabar ad Puerulum decennem, qui à sex septimanis febre lentâ decumbebat malè multatus. Præscriptis quæ res postulabat remediis, intrâ sex vel septem dierum spatium à morbo liber evasit: Verùm diebus aliquot elapsis, ingens in Genæ dextræ interioribus subortus est Tumor, puero nihilominus, quoad cætera benè valente. Ore ejus ægrè diducto, in conspectum veniebat ingens Puris quantitas, at unde manaret, præ Pueri proterviâ non licuit pro hâc vice explorare. Ideò consulebam tantum, ut ficum in lacte coctam ad tumorem emolliendum, atq; si fieri posset rumpendum admovent. Mane sequenti Os incredibili ferè Puris copiâ, teterrimi odoris (tumore intereâ disrupto) diffuebat. Gargarisinate modicè detergente præscripto, circâ vesperum Pus pari omnino quantitate

quantitate atq; priùs depluebat. Mirabar fanè unde hoc provenire posset, cùm *Ulcus* in *Genâ* tanto proventui nequaquàm sufficere videretur; suspicabar autem (fœtore præ cæteris suadente) materiæ istius fontem in capite alicubi intrâ ossa latitare: quod cùm paulò diligentius investigarem, ecce *Os Maxillæ superioris ad dextras* carne (quæ quasi semicocta utrinq; recesserat) denudatum prorsus atq; *Carie* correptum, & ex *Dentium Alveolis* (dentes enim puerulus, ceu inutiles, suis nullo negotio jam extraxerat digitis) hoc materiæ purulentæ profluvium jugiter delabi: quapropter Chirurgus è viciniâ advocatus est, cui committebatur negotium. Huic suadebam, ut dum *Ossis* medelæ incumberet, *Ulceris* itidem deterfioni & consolidationi operam daret; verùm quicquid dicerem, nulla quæcunque *Genæ* suppuratæ adhibere voluit medicamina: quo factum est, ut ea iterum in molem ingentem, atq; alterâ (sinistrâ sc.) duplò major citò excrefceret. Mandibulæ *Cariossæ* solummodò penicillum tincturâ quâdam, forsan *Myrrhæ*, imbutum applicabat. At longo temporis spatio tandem emenso, cùm parùm suâ tincturâ proficeret, hamulo admoto, quod temporius factum debuerat, *Os Mali* integrum evellebatur. Ab *Ossis* extractione *Gena* nequicquàm subsidebat, sed potiùs incrementum sumebat, & materiæ purulentæ copia nullatenus minuebatur. Osse autem abrupto, *Ossis Palati* dimidium cum *Narium Septo* absumptum est; parte etiam infimâ *Orbitæ oculi* simul abreptâ, ut in Iconibus adjectis clariùs ostendere sim conatus. His addendum, quod Tumore *Processui Zygomatico* superstiti incumbente, *Gena* mole duplò insignior *sinistrâ* extat, & oculum pœnè claudit, pure quasi ex fonte perenni indefinenter fluente.

Fig. 1ma. Facies *Ossis* externa.

a, a, a, a, a. *Alveoli* *Dentium*.

D d d

b. Dens

- b. Dens *molaris* remotior.
- c. Pars *Orbitam* oculi faciens.
- d. Pars Offis ubi abruptum circa *Nasum*.
- e. Pars Offis ubi *Processus Zygomaticus* terminatur.
- f. Pars Offis sub *Labium superius*.

Fig. 2da. Forma interior Offis.

- 1 Pars ad *Nasum* abrupta.
- 3 Pars *Mandibulae* exterior & Dentis *alveolus*.
- 4 Pars Offis *oculum* attingens.
- 5 Pars *Maxillae* remotior.
- 6 Pars *Naris dextrae*, *septo* abrupto.
- 7 Dens *Molaris*.

Fig. 3tia. Os resupinatum exhibet.

- D, D, D, D. Pars *Offis Palati*.
- E, E, E. Alveoli dentium.
- F, F. Pars *Mandibulae exterior*.
- G. Pars *anterior* ejusdem.
- H. Dens *Molaris*.

Fig. 4ta. Facies interior Offis parum reclinati.

- A, A, A, A. Pars *Mandibulae*, & *Alveoli* Dentium.
- B. Locus ubi os abruptum circa *Nasum*.
- C. Pars offis *Oculum* attingens.
- D. *Maxillae* pars remotior.
- E. *Dens Molaris* remotior.
- F. Pars *Offis Palati*.

G. Pars *Naris dextrae*, *septo* abrupto, ut in *Fig. 2da.* N^o 6.

Post hæc, idem vir peritissimus per Literas die 24. Decemb. 1727. datas, *Editorem* certiore fecit, "Tu-
 " rem supra descriptum in eodem adhuc remanere statu,
 " Materiâ Puriformi Os & Fauces prò solito irrigante.
 " Puer cætera sanus edit, bibit, dormit, & unâ cum
 " aliis suæ ætatis quotidie alacriter ludit.

F I N I S.

ERRATA. No. 399. Pag. 294. lin. 11. lege *pyri-incis*. Ibid. l. 19. leg. *latifolia*. P. 303. l. 19. leg. *are*. P. 315. l. 23. leg. *Curienfis*. P. 317. l. 11. leg. *cuticula*. P. 323. l. 17. leg. *same*. Ibid. l. 26. leg. *animals*. — No. 400. P. 351. l. 7. leg. *eases*. P. 354. l. 9. leg. *horizontal*.

Fig. 1.




Fig. 2.




Fig. 3.




Fig. 4.

